

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA
UPRAVNI ODBOR**

Broj: 01-100-45-354/25

Zenica, 11.11.2025. godine

Na osnovu člana 47., člana 57. stav (3), člana 99. i člana 103. Zakona o zdravstvenom osiguranju („Službene novine Federacije Bosne i Hercegovine“, broj: 30/97, 7/02, 70/08, 48/11, 36/18 i 61/22), člana 18. i 60. Statuta Zavoda zdravstvenog osiguranja Zeničko-dobojskog kantona („Službene novine Zeničko-dobojskog kantona“ broj: 11/16 i 9/19), Upravni odbor na 45. sjednici održanoj 11.11.2025. godine, donosi

O D L U K A

o izmjeni i dopuni Pravilnika o refundaciji naknade plate za vrijeme privremene spriječenosti za rad na teret sredstava Zavoda zdravstvenog osiguranja Zeničko-dobojskog kantona

**Član 1.
(Izmjena člana 4.)**

U Pravilniku o refundaciji naknade plate za vrijeme privremene spriječenosti za rad na teret sredstava Zavoda zdravstvenog osiguranja Zeničko-dobojskog kantona-prečišćeni tekst, broj: 01-100-23-189/25 od 08.01.2025. godine i broj: 01-100-24-202 od 20.01.2025. godine, u članu 4. stav (4) alineja 3) mijenja se i glasi:

„3) ako je određen da njeguje oboljelog supružnika ili djeteta, s tim da se u slučaju njege oboljelog djeteta osiguraniku priznaje pravo na refundaciju naknade plate za dijete od rođenja, dijete koje se nalazi na redovnom školovanju u osnovnim i srednjim školama odnosno studiranju na višim i visokim školama najduže do navršene 26. godine života, kao i dijete koje je nesposobno za samostalan život i rad bez obzira na uzrast koje živi u istom domaćinstvu sa osiguranikom.“

**Član 2.
(Dopuna člana 10.)**

U članu 10. iza stava (4) dodaje se stav (5) koji glasi:

„Ukoliko se radi o zahtjevu za refundaciju naknade plate osiguranika koji je privremeno spriječen za rad povodom njege oboljelog djeteta koje se ne nalazi na redovnom školovanju, a koje je nesposobno za samostalan život i rad uz zahtjev je potrebno priložiti kućnu listu i akt nadležnog organa kojim se potvrđuje da je dijete nesposobno za samostalan život i rad.“

**Član 3.
(Stupanje na snagu)**

Ova Odluka stupa na snagu danom donošenja.

DOSTAVLJENO:

- 1x Direktor Zavoda
- 2x Pomoćnik direktora
- 2x Služba za pravne i opće poslove
- 1x Služba za finansijsko-računovodstvene poslove
- 1x Poslovnice Zavoda
- 1x web stranica
- 1 x a/a

**PREDSJEDNIK
UPRAVNOG ODBORA**

prof.dr.med.sci.Anhel Koluh
specijalista opšte hirurgije

